



Surfing i Suldal

Fleire av grendene i Suldal har skifta ut tavla på nærbutikken med internettside.

Arne Vestbøstad

Suldalsposten har tatt ein kikk på kva dei ulike bygdene i Suldal kommune har gjort for å presentere seg sjølve på nettet. Om lag halvparten av grendene i kommunen gjer seg lekre på nett, til glede for seg sjølv og andre kikkarar.

Grendene Suldalsosen, Vanvik og Sand

har ikkje egne nettsider å visa til, men bygdene har grupper på Facebook. Leiar i Sand grendeutval, Bjarne Smedsrud, ser ikkje behovet for ei eiga side for Sand. – Me har hatt tilbod frå Norsk Plan om hjelp til å laga ei side, men me takka nei. Me har kommunen til å ta seg av informeringa. I tillegg har ordføraren ei side på Facebook, og me har Suldalsposten. Det må ikkje bli for mange plassar å henta informasjon frå.

Øvre Suldal grendeutval har òg fått tilbod frå same firma om å laga ei nettside for grenda, men avslo dette. Dei såg føre

seg at dei ikkje ville klara å halda sida så oppdatert at ho ville vera interessant. I staden har dei ein aktivitetsskalendar som dei gir ut to gonger i året, der lag og organisasjonar melder inn sine arrangement. Denne kalenderen har dei fått gode tilbakemeldingar på.

I Hylsfjorden grendeutval hadde dei eiga nettside oppe til diskusjon, men slo det då frå seg, i og med at dei ikkje såg at dei hadde behov for det. Grendeutvalet på Suldalsosen har ikkje diskutert nettside enda.

Nettsatsing

Suldalsbygdene si satsing på nett har blitt lagt merke til hjå Fylkesmannen. På nettsidene deira trekkjer dei fram Jøsneset og Ropeidhalvøya sine nettsider, saman med lmsland, som dørne på korleis det kan gjerast.

grendene.com